

中國古典文學基本叢書

中華書局

韓昌黎詩集編年箋注

下冊

中國古典文學基本叢書

# 韓昌黎詩集編年箋注

下

郝潤華  
丁俊麗  
整理



中華書局

# 韓昌黎詩集編年箋注卷六

卷六凡二十八首，元和聖德詩以下，二年權知國子博士分司東都作。東都遇春以下，三年改真博士作。送李翱以下，四年改都官員外郎守東都省作。感春五首，五年在東都作。

## 元和聖德詩 并序(一)

臣愈頓首再拜言：臣伏見皇帝陛下即位已來，誅流姦臣(二)，朝廷清明，無有欺蔽。外斬楊惠琳、劉闢以收夏、蜀(三)，東定青、徐積年之叛(四)，海內怖駭，不敢違越。郊天告廟(五)，神靈歡喜，風雨晦明(六)，無不從順。太平之期，適當今日。臣蒙被恩澤，日與群臣序立紫宸殿階下(七)，親望穆穆之光。而其職業又在以經籍教導國子，誠宜率先作歌詩以稱道盛德，不可以辭語淺薄(八)，不足以自效爲解(九)。輒依古作四言元和聖德詩一篇，凡千有二十四字，指事實錄，具載明天子文武神聖，以警動百姓耳目(一〇)，傳示無極。其詩曰(一一)：

皇帝即阼(一二)，物無違拒。日暘而暘，日雨而雨(一三)。維是元年，有盜在夏。欲覆其州，以踵

近武<sup>(二四)</sup>。皇帝曰嘻，豈不在我。負鄙爲艱，縱則不可。出師征之，其衆十旅<sup>(二五)</sup>。軍其城下，告以福禍。腹敗枝披<sup>(二六)</sup>，不敢保聚<sup>(二七)</sup>。擲首陣外<sup>(二八)</sup>，降旛夜豎。疆外之險，莫過蜀土。章皋去鎮，劉關守後<sup>(二九)</sup>。血人于牙<sup>(三〇)</sup>，不肯吐口。開庫啖士<sup>(三一)</sup>，曰隨所取。汝張汝弓，汝鼓汝鼓。汝爲表書，求我帥汝<sup>(三二)</sup>。事始上聞，在列威怒。皇帝曰然，嗟遠士女。苟附而安，則且付與<sup>(三三)</sup>。讀命于庭<sup>(三四)</sup>，出節少府<sup>(三五)</sup>。朝發京師，夕至其部。關喜謂黨，汝振而伍。蜀可全有，此不當受<sup>(三六)</sup>。萬牛鬻炙<sup>(三七)</sup>，萬甕行酒。以錦纏股，以紅帕首<sup>(三八)</sup>。有恒其凶，有餌其誘<sup>(三九)</sup>。其出穰穰，隊以萬數。遂刦東川<sup>(四〇)</sup>，遂據城阻。皇帝曰嗟，其又可許！爰命崇文<sup>(四一)</sup>，分卒禁御。有安其驅，無暴我野。日行三十<sup>(四二)</sup>，徐壁其右。關黨聚謀，鹿頭是守<sup>(四三)</sup>。崇文奉詔，進退規矩<sup>(四四)</sup>。戰不貪殺，擒不濫數<sup>(四五)</sup>。四方節度，整兵頓馬。上章請討，俟命起坐<sup>(四六)</sup>。皇帝曰嘻，無汝煩苦。荆并洎梁<sup>(四七)</sup>，在國門戶。出師三千，各選爾醜<sup>(四八)</sup>。四軍齊作，殷其如阜<sup>(四九)</sup>。或拔其角，或脫其距<sup>(五〇)</sup>。長驅洋洋<sup>(五一)</sup>，無有齟齬。八月壬午，關棄城走。載妻與妾，包裹稚乳<sup>(五二)</sup>。是日崇文，入處其宇。分散逐捕，搜原剔藪。關窮見窘，無地自處。俯視大江，不見洲渚。遂自顛倒，若杵投臼。取之江中<sup>(五三)</sup>，枷脰械手<sup>(五四)</sup>。婦女鬢髮，啼哭拜叩。來獻闕下，以告廟社。周示城市<sup>(五五)</sup>，咸使觀覩。解脫孿索，夾以砧斧<sup>(五六)</sup>。婉婉弱子<sup>(五七)</sup>，赤立傴僂<sup>(五八)</sup>。牽頭曳足<sup>(五九)</sup>，先斷腰膂。次及

其徒(五〇)，體骸撐拄(五二)。末乃取闢，駭汗如寫。揮刀紛紜，爭剗臄脯(五三)。優賞將吏(五三)，扶  
珪綴組(五四)。帛堆其家，粟塞其庾。哀憐陣歿，廩給孤寡(五五)。贈官封墓(五六)，周帀宏溥。經  
戰伐地，寬免租簿(五七)。施令酬功，急疾如火。天地中間，莫不順序。幽恒青魏，東盡海浦。  
南至徐蔡(五八)，區外雜虜(五九)。怛威赧德(六〇)，踧踖蹈舞(六一)。掉棄兵革，私習篋筐(六二)。來請  
來覲(六三)，十百其耦。皇帝曰吁，伯父叔舅(六四)。各安爾位，訓厥毗晦。正月元日(六五)，初見  
宗祖。躬執百禮(六六)，登降拜俯。薦于新宮(六七)，視瞻梁栢(六八)。感見容色，淚落人俎。侍祀  
之臣，助我惻楚。乃以上辛(六九)，于郊用牡。除于國南(七〇)，鱗筍毛簣。廬幕周施(七一)，開揭  
磊砢(七二)。獸盾騰挈(七三)，圓壇帖妥(七四)。天兵四羅，旂常婀娜(七五)。駕龍十二(七六)，魚魚雅  
雅(七七)。宵昇于丘，奠璧獻畢(七八)。衆樂驚作(七九)，轟厖融冶(八〇)。紫焰嘘呵(八一)，高靈下  
墮(八二)。群星從坐(八三)，錯落侈哆(八四)。日君月妃(八五)，煥赫嫋嫋(八六)。瀆鬼濛鴻，嶽祗業  
峨(八七)。飫沃羶薌(八八)，產祥降嘏。鳳皇應奏(八九)，舒翼自拊(九〇)。赤麟黃龍(九一)，透陀結糾。  
卿士庶人，黃童白叟。踊躍歡呀，失喜喧歐(九二)。乾清坤夷，境落褰舉。帝車迴來，日正當  
午。幸丹鳳門，大赦天下。滌濯剗磔(九三)，磨滅瑕垢。續功臣嗣，拔賢任耆。孩養無告(九四)，  
仁滂施厚。皇帝神聖，通達今古。聽聰視明，一似堯禹(九五)。生知法式，動得理所。天錫皇  
帝(九六)，爲天下主。並包畜養(九七)，無異細鉅。億載萬年，敢有違者？皇帝勤儉，盥濯陶瓦。

斥遣浮華，好此締紵<sup>(九八)</sup>。敕戒四方，侈則有咎<sup>(九九)</sup>。天錫皇帝，多麥與黍。無召水旱，耗于雀鼠<sup>(一〇〇)</sup>。億載萬年，有富無窶。皇帝正直，別白善否。擅命而狂，既翦既去。盡逐群姦，靡有遺侶。天錫皇帝，厯臣碩輔<sup>(一〇一)</sup>。博問遐觀，以置左右<sup>(一〇二)</sup>。億載萬年，無敢余侮<sup>(一〇三)</sup>。皇帝大孝，慈祥悌友。怡怡愉愉，奉太皇后<sup>(一〇四)</sup>。決于族親<sup>(一〇五)</sup>，濡及九有<sup>(一〇六)</sup>。天錫皇帝，與天齊壽。登茲太平，無怠永久。億載萬年，爲父爲母<sup>(一〇七)</sup>。博士臣愈，職是訓詁<sup>(一〇八)</sup>。作爲歌詩，以配吉甫<sup>(一〇九)</sup>。

〔一〕新唐書憲宗紀：憲宗，順宗長子也。永貞元年八月，即皇帝位。元和元年正月改元。

〔二〕誅流：舊唐書順宗紀：八月壬寅，憲宗受禪，貶右散騎常侍王伾爲開州司馬，前戶部侍郎、度支鹽鐵轉運使王叔文爲渝州司戶。憲宗紀：貶韓泰等爲諸州刺史，十一月貶中書侍郎、平章事韋執誼爲崖州司馬。

〔三〕收夏蜀：憲宗紀：永貞元年八月癸丑，劍南西川節度使韋皋薨，劉闢據蜀邀節鉞。十一月，夏綏銀節度留後楊惠琳反。元和元年三月辛巳，夏州兵馬使張承金斬惠琳。十月戊子，斬劉闢。

〔四〕定青徐：舊唐書李師道傳：師道初遣判官、孔目相繼奏事，杜黃裳欲乘其未定分削之，憲宗以蜀川方擾，不能加兵。元和元年，命建王審通領節度，授師道充淄青節度留後。又張建封傳：建封卒，徐軍乞授其子愔旄節，朝廷不得已授之。元和元年，愔被疾請代，徵爲兵部尚書，以王紹



旅。」則一旅五百人，而十旅五千人也。方說得之。亦見以順討逆，師不在衆之意。

〔二六〕枝披：秦國策：木實繁者披其枝。

〔二七〕保聚：左傳：我敝邑用不敢保聚。

〔二八〕陣外：陣，音脾。左傳：授兵登陣。釋名：城上垣曰脾睨，亦曰陣。陣，裨也，言裨助城之高也，亦曰女牆。

〔二九〕劉闢：新唐書劉闢傳：闢佐韋皋府，累遷御史中丞、度支副使。皋卒，闢主後務。

〔三〇〕血人：舊唐書劉闢傳：初，闢嘗病，見諸問疾者來，皆以手據地，倒行人關口，闢因磔裂食之。

〔三一〕咱士：咱，音啖。漢書高帝紀：使酈生食其，陸賈往說秦，將咱以利。

〔三二〕求帥：新唐書闢傳：闢諷諸將徵旌節。

〔三三〕且付與：闢傳：憲宗以給事中召之，不奉詔。時帝新即位，欲靜鎮四方，即拜檢校工部尚書、劍南西川節度使。

〔三四〕讀命：新唐書百官志：冊命大臣，則使中書舍人持節讀冊命。

〔三五〕出節：周禮地官掌節：凡邦國之使節，山國用虎節，土國用人節，澤國用龍節。新唐書百官志：符寶郎掌國之符節，凡命將遣使，皆請旌節。旌以專賞，節以專殺。少府：後漢書百官志：符節令一人，凡遣使掌授節，屬少府。

〔三六〕不當受：闢傳：闢意帝可動，益驚蹇，吐不臣語，求統三川。



〔三七〕 饔炙：□云：饔，切也。莊子至樂篇：不敢食一饔。

〔三八〕 纏股、帕首：股，音陌。詩采芣：「赤芾在股。」實錄：禹會塗山之夕，大風雷震，有甲兵卒千餘人，其不被甲者，以紅綃帕抹其額。自此遂爲軍容之服。

〔三九〕 恒、凶、餌、誘：朱子曰：言有畏其暴者，有貪其利者，故從之者衆耳，非本心樂從也。

〔四〇〕 刼東川：關傳：關欲以所善盧文若節度東川，即以兵取梓州。

〔三一〕 命崇文：舊唐書關傳：憲宗難于用兵，宰相杜黃裳奏：神策軍使高崇文驍果可任。令崇文、李元奕等將神策行營兵相續進發，仍許其自新。

〔三二〕 日行三十：詩六月：「我服既成，于三十里。」漢書賈捐之傳：吉行日五十里，師行日三十里。

〔三三〕 鹿頭：新唐書高崇文傳：鹿頭山南距成都百五十里，扼二州之要，闢城之，旁連八屯，以拒東兵。

〔三四〕 規矩：淮南修務訓：戰進如激矢，解如風雨，員之中規，方之中矩。

〔三五〕 濫數：朱子曰：「濫數」蓋用左傳「數俘」之語。襄公二十五年：「子美數俘而出。」

〔三六〕 起坐：記郊特牲：君親誓社，以習軍旅，左之右之，坐之起之。

〔三七〕 荆、梁：孫云：荆謂荆南節度使裴均，并謂河東節度使嚴綬，梁謂山南西道節度使嚴礪也。

〔三八〕 選醜：左傳：將其類醜。

〔三九〕 殷其：按：殷，狀軍聲之盛也，即詩「殷其雷」之義，謂軍聲如雷如霆也。上林賦：「車騎雷起，殷天動地。」吳都賦：「殷動宇宙，胡可勝原。」皆可證。□云「安也」，誤矣。如阜：詩天保：「如山如

阜。按：雖用天保詩語，然意實本于常武詩「如山之苞」。

〔四〇〕拔角、脫距：按：左傳：「譬如捕鹿，晉人角之，諸戎捨之。」正義曰：「角之，謂執其角也。捨之，謂戾其足也。」舊注引史記王翦傳「投石拔距」，與此無涉。

〔四一〕長驅：史記樂毅傳：輕卒銳兵，長驅至國。新唐書高崇文傳：崇文始破賊二萬于城下，明日戰萬勝堆，堆直鹿頭左，使驍將高震寓鼓之，募死士奪而有之。凡八戰皆捷，仇良輔舉鹿頭城降，遂趣成都。

〔四二〕包裹：莊子天運篇：包裹六極。

〔四三〕江中：關傳：關從數十騎走至羊灌，自投水，不能死，騎將鄺定進擒之。

〔四四〕枷脰械手：關傳：檻車送關京師，尚冀不死。將至都，神策以兵迎之，繫其首，曳而入，驚曰：「何至是耶？」

〔四五〕廟社、城市：左傳：帥師者受命于廟，受賑于社。記王制：刑人于市，與衆棄之。關傳：帝御興安樓，受俘獻廟社，徇于市，斬于城西南獨柳樹下。

〔四六〕砧斧：砧，當作「枯」，同榘。秦國策：范雎曰：「臣之胸不足以當礮質，要不足以待斧鉞。」

〔四七〕婉婉：謝瞻詩：「婉婉幕中書。」

〔四八〕僂僂：音嫗縷。

〔四九〕弱子、其徒：關傳：子超郎等九人，與部將崔綱，以次誅。與盧文若皆夷族。

〔五〇〕牽曳：北史許善心傳：其黨輒牽曳，遂害之。

〔五一〕撐拄：說文：撐，袞拄也，拄，從旁指也。蔡琰詩：「尸骸相撐距。」

〔五二〕刳膾脯：刳，音付。儀禮特牲饋食：刳肺三。注：今文刳爲切。莊子盜跖篇：膾人肝而脯之。

漢書東方朔傳：生肉爲膾，乾肉爲脯。

〔五三〕優賞：舊唐書高崇文傳：制授崇文檢校司空、劍南西川節度、觀察等使，改封南平郡王，實封三百戶，詔刻石紀功于鹿頭山下。

〔五四〕扶珪綴組：南史張充傳：影纓天閣，既謝廊廟之華，綴組雲臺，終愧衣冠之秀。按：如鄭定進以擒劉闢功封王，亦膺珪組也。

〔五五〕廩給：新唐書憲宗紀：元年十月葬陣亡者，廩其家五歲。

〔五六〕贈官封墓：書武成：釋箕子之囚，封比干之墓。

〔五七〕寬租：憲宗紀：元年十月甲子，減劍南東西川、山南西道今歲賦。

〔五八〕幽恒青魏徐蔡：□云：魏則田季安，幽則劉濟，恒則王士真，青則李師道，徐則張愔，蔡則吳少誠，皆一時藩鎮之國也。

〔五九〕區外：郭璞南郊賦：郊寰之內，區域之外。

〔六〇〕怛威赧德：方云：公上尊號表有「怛威赧德」，意與此同。

〔六一〕蹶踏：廣雅釋訓：蹶踏，畏敬也。

〔六二〕簠簋：記樂記：簠簋俎豆，制度文章，禮之器也。

〔六三〕請覲：周禮大宗伯：秋見曰覲。史記吳王濞傳：及後使人爲秋請。孟康曰：律，春曰朝，秋曰請。音淨。

〔六四〕伯父叔舅：儀禮覲禮：同姓大國則曰伯父，其異姓則曰伯舅。同姓小邦則曰叔父，其異姓小邦則曰叔舅。

〔六五〕正月元日：書舜典：正月元日，舜格于文祖。

〔六六〕百禮：詩賓筵：「烝衍烈祖，以洽百禮。」

〔六七〕新宮：□云：新宮，順宗室。

〔六八〕梁相：相，音呂。何晏景福殿賦：「槐相緣邊。」

〔六九〕上辛：穀梁傳：郊自正月至于三月，郊之時也。我以十二月下辛卜正月上辛。如不從，則以正月下辛卜二月上辛。如不從，則以二月下辛卜三月上辛。如不從，則不郊矣。

〔七〇〕除：左傳：郊人助祝史除于國北。國南：記郊特性：兆于南郊，就陽位也，掃地而祭，于其質也。

〔七一〕廡幕：周禮天官幕人：掌帷幕幄帘綬之事。凡祭祀，共其帷幕幄帘綬。又掌次：掌王次之法，以待張事王。大旅上帝，則張籩案，設皇邸。朝日祀五帝，則張大次小次，設重帘重案。凡祭祀，張其旅幕。

〔七二〕開揭：張衡東京賦：「豫章珍覲，揭焉中峙。」磊砢：砢，魯可切。司馬相如上林賦：「水玉磊砢。」

郭璞曰：磊砢，魁畧貌也。

〔七〕獸盾：詩小戎：「龍盾之合。」按：獸盾，虎盾也，唐諱「虎」爲獸。騰挈：宋玉九辯：「枝煩挈而交橫。」

〔八〕圓壇：廣雅釋天：圓丘，太壇，祭天也。後漢書祭祀志：建武二年，初制郊兆，采元始中故事。爲圓壇八陛，中又爲重壇，天地位其上，其外壇上爲五帝位，其外爲壝，重營皆紫，以象紫宮。

〔九〕婀娜：古樂府焦仲卿詩：「婀娜隨風轉。」

〔十〕駕龍十二：周禮夏官校人：掌王馬之政，天子十有二閑。又庾人：掌十有二閑之政教。馬八尺以上爲龍。

〔十一〕魚魚雅雅：晉書劉惔傳：洛中雅雅有三韻。升庵詩話：古樂府：「朱鷺，魚以鳥。鷺何食？食茄下。」烏「古與「雅」同叶，蓋古字烏也，雅也，鴉也，本一字也。「魚以雅」者，言朱鷺之威儀，魚魚雅雅也。元和聖德詩本此。按：「魚有貫」，「雅有陣」，言扈從之象也。

〔十二〕莫璧獻畢：周禮大宗伯：以蒼璧禮天，以黃琮禮地。記明堂位：夏后氏以琖，殷以斝，周以爵。

〔十三〕衆樂：周禮春官大司樂：凡樂，圓鐘爲宮，黃鐘爲角，大簇爲徵，姑洗爲羽。鼗鼓鼗鼓，孤竹之管，雲和之琴瑟，雲門之舞，冬日至，于地上之圓丘奏之。若樂六變，則天神皆降，可得而禮矣。

〔十四〕轟厖融冶：王云：轟，群車聲。木華海賦：「磊匍匐而相厖。」蔣云：融冶，和洽也。

〔十五〕紫焰：盧思道駕出園丘詩：「風中揚紫煙，壇上埋蒼玉。」

〔八三〕高靈：□云：天神之有靈者。按：高靈，指昊天上帝也。

〔八三〕群星：記祭法：日月星辰，民所瞻仰也。新唐書禮樂志：五星、十二辰、河漢及內官五十有五于第二等十有二陛之間。二十八宿及中官一百五十有九于第三等。外官一百有五于內壝之內，衆星三百六十于內壝之外，各依方次。

〔八四〕侈侈：侈，丁可切。詩巷伯：「侈兮侈兮，成是南箕。」

〔八五〕日君月妃：記禮器：大明生于東，月生于西，此陰陽之分，夫婦之位也。新唐書禮儀志：大明于東陛之南，夜明于西陛之北，席皆以藁秸。

〔八六〕煥赫嫫媼：媼，烏果切。梁武帝樂府：「珠佩嫫媼戲金闕。」廣韻：嫫媼，身弱好貌。祝云：煥赫謂日君，嫫媼謂月妃。瀆鬼、嶽祇：記王制：天子祭天下名山大川。五嶽視三公，四瀆視諸侯。

〔八七〕濛鴻、業峨：業峨，音業我。淮南精神訓：瀕濛鴻洞。後漢書班固傳：增槃業峨。

〔八八〕羶薶：記郊特牲：既奠，然後炳蕭合羶薶。

〔八九〕鳳皇：書益稷：簫韶九成，鳳皇來儀。

〔九〇〕拊翼：鄭曼季詩：「和音交暢，拊翼雙起。」

〔九一〕赤麟黃龍：班固兩都賦序：白麟、赤鴈、芝房、寶鼎之歌，薦于宗廟。神爵、五鳳、甘露、黃龍之瑞，以爲年紀。

〔九二〕歌：俗作「嘔」。

〔九三〕刻磧：磧，初兩切。說文：刻，削也。木華海賦：「飛澇相磧。」

〔九四〕無告：書大禹謨：不慮無辜，不廢困窮。

〔九五〕一似：洪云：蓋取禮記「一似重有憂者」。黃魯直云：退之文，老杜詩，無一字無來處，後人讀書少，故謂韓、杜自作此語耳。堯禹：韓詩外傳：修身自強，則名配堯禹。

〔九六〕天錫：詩閟宮：「天錫公純嘏。」

〔九七〕并包：司馬相如難蜀父老：馳騫乎兼容並包，而勤思乎參天貳地。

〔九八〕綈：音題。漢書賈誼傳：帝之身自衣阜綈。釋名：綈，似蜚蟲之色，綠而澤也。

〔九九〕侈則有咎：按：新唐書高崇文傳：「崇文恃功而侈，舉蜀帑藏百工之巧者皆自隨。」詩云「皇帝儉勤」至「侈則有咎」六語，似爲崇文而發也。

〔一〇〇〕雀鼠：南史張率傳：率在新安，遣家僮載米三千石還宅，及至，遂耗大半。率問其故，答曰：「雀鼠耗。」率笑而言曰：「壯哉雀鼠也！」

〔一〇一〕厯臣：爾雅釋詁：厯，大也。

〔一〇二〕置左右：書說命：爰立作相，王置諸其左右。

〔一〇三〕無余侮：詩鷓鴣：「今此下民，孰敢侮予？」

〔一〇四〕太皇后：新唐書憲宗紀：憲宗母曰莊憲皇太后王氏，元和元年五月，尊母爲皇太后。

〔一〇五〕族親：書堯典：克明俊德，以親九族。

〔一〇六〕九有：詩玄鳥：「奄有九有。」

〔一〇七〕父母：書泰誓：「聰明作元后，元后作民父母。」

〔一〇八〕訓詁：孔叢子：樂朔問曰：「書以簡易爲上，而乃故作難知之辭，不亦繁乎？」子思曰：「書之意兼

復深奧，訓詁成義，古人所以爲典雅也。」孫云：爾雅有釋詁、釋訓，「釋詁」者，釋古今之異辭。

「釋訓」者，辨物之形貌。

〔一〇九〕吉甫：詩烝民：「吉甫作頌，穆如清風。」

穆修曰：退之元和聖德詩、淮西碑，子厚雅章之類，皆辭嚴義偉，製作如經，能萃然聳唐德于盛漢之表。蘇轍詩病五事：詩人詠歌文、武征伐之事，其于克密曰「無矢我陵」云云，其于克崇曰「崇墉言言」云云，其于克商曰「維師尚父」云云，其形容征伐之盛極于此矣。韓退之作元和聖德詩，言劉闢之死曰：「婉婉弱子，赤立僂僂。牽頭曳足，先斷腰膂。次及其徒，體骸撐拄。末乃取闢，駭汗如寫。揮刀紛紜，爭刳膾脯。」此李斯頌秦所不忍言，而退之自謂無愧於雅、頌，何其陋也？

張栻云：誦退之聖德詩至「婉婉弱子」、「處世榮舉」，子由之說曰：「此李斯頌秦所不忍言。」此說如何？曰：退之筆力高，得斬截處即斬截，他豈不知，此所以爲此言者必有說。蓋欲使藩鎮聞之畏罪懼禍，不敢叛耳。今人讀之至此，猶且寒心，況當時藩鎮乎？此正是合于風、雅處，只如牆有茨、桑中諸詩，或以爲不必載。而龜山乃曰：此衛爲狄所滅之由。退之之言亦此意也。退之之意過于子由遠矣，大抵前輩不可輕議。



按：蘇、張二說皆有理，張更得「成春秋，而亂臣賊子懼」之義。甘誓言不共命者則孥戮之，而況亂臣耶？言雖過之，亦昭法鑒。

## 記夢

夜夢神官與我言<sup>(一)</sup>，羅縷道妙角與根<sup>(二)</sup>。挈攜陬維口瀾翻<sup>(三)</sup>，百二十刻須臾閒<sup>(四)</sup>。我聽其言未云足，捨我先度橫山腹<sup>(五)</sup>。我徒三人共追之，一人前度安不危。我亦平行踏航<sup>(六)</sup>，神完骨躡腳不掉<sup>(七)</sup>。側身上視溪谷盲<sup>(八)</sup>，杖撞玉版聲彭觥<sup>(九)</sup>。神官見我開顏笑，前對一人壯非少。石壇坡陀可坐卧<sup>(一〇)</sup>，我手承頰肘拄座<sup>(一一)</sup>。隆樓傑閣磊嵬高，天風飄飄吹我過。壯非少者哦七言<sup>(一二)</sup>，六字常語一字難。我以指撮白玉丹<sup>(一三)</sup>，行且咀嚙行詰盤<sup>(一四)</sup>。口前截斷第二句<sup>(一五)</sup>，綽虐顧我顏不歡。乃知仙人未賢聖，護短憑愚邀我敬。我能屈曲自世閒<sup>(一六)</sup>，安能從女巢神山<sup>(一七)</sup>。

(一) 與我言：黃庭內景經：清靜神見與我言。

(二) 羅縷：東晉貧家賦：「且羅縷而自陳。」角根：周語：辰角見而雨畢，天根見而水涸。

(三) 陬維：朱子曰：上言角根，即辰卯二位二十八宿所起也。此言陬維，通謂寅申巳亥之四隅也。